

## Epeso

### Pauloŋe Epeso yenġât ekap kulemgum katyiŋgiop.

O bukulpne,

<sup>1</sup> Yen Epeso kapi ambolipŋaŋe Yesu Kiristohâlen biwiyenŋaŋe kepeim Anitâhât tem lâuwangim mansai. Nâ Paulo. Emelâk Anitâŋe nâŋġânihimu Yesu Kiristoŋe aposolo sâŋm âi nihiop ya mem mansan. Nâŋe heronŋe nâŋġâyiŋgim ekap yu kulemgum katyiŋgian.

<sup>2</sup> Awoŋnenŋe Anitâ yet Kutdânennenŋe Yesu Kiristo yâkŋe enġatyetŋeâk otmâ nâŋġâyiŋgim tihityeŋe otmutâ biwi nâŋġân nâŋġânyenŋaŋe kepeiakmâ konohâk otmâ sânduk sâekġât nâŋġâyiŋgim ulitguman.

*Wâtġât mâmâŋahât Heakŋe mâmâŋe otningimu manman âlepŋahât bulâŋe teteningimap.*

<sup>3</sup> Anitâŋe ikŋe nanŋe, Kutdânenŋe Yesu Kiristo, hâŋġângumu ge nengât tosaġât otmâ muop. Yawu olop yakât otmâ nenŋe yâk orop biwinenŋaŋe kepeiakmâ konohâk otmu manmâ gain. Yakât otmâ Anitâŋe ikŋe Wâtġât mâmâŋahât Heak hâŋġângumu ge mâmâŋe otningimu manman âlepŋahât bulâŋe teteningim gap. Yakât nâŋġâm Anitâ mepaem mannom. <sup>4-5</sup> Anitâŋe ikŋahâk wawaenenekmap. Otmu nenŋe yâkât senŋan tosa barahâk kinnomġât nâŋġâm ikŋe nanŋe Yesu Kiristo hâŋġângumu ge nengât tosaġât otmâ mumbuap yakât emet inânŋan sâŋm kalop.

Yakât otmâ nenņe Kiristohâlen biwinenņane kepeimunņe Anitâņe tosanenņe pilâningim nine nanne baratne sâm menenekmu mansain. Yakât nâņgâm yâkņe emet inânņan hân himbim ki kândikyotgowân yawu tetewuap ya sâm kalop. <sup>6</sup> Otmu ikņahâk wawaenenekmâ nengât sâm nanņe hâņgângumu giop yakât nâņgâmunņe hâu sâsâ otmap. Yakât otmâ herone nâņgâwanņim mepaem mannom.

<sup>7-8</sup> Kiristone kawenennan kinmu kuņetâ muop yâkâlen biwinenņe katmunņe Anitâņe tosanenņe pilâningiop. Otmu ikņahâk wawaenenekmâ otningiop yakât nâņgâmunņe âlâ kândâkdâ otmap. Yakât dop sâmune nâņgâņet. Nenņe saru osomunņe sililiņ sâmap. Yakât dopņeâk Anitâņe wawaenenekmap ya ki pesuk sâwuap. <sup>9-10</sup> Anitâņe âliwahap topņe topņe, ehekņe ki ehekņe, himbimân ewan tap me hânân yu tap ya kerehâk kalop. Otmu sâp patoen Yura lohimbi otmu pâku lohimbi hârok menduhunenekbuap. Yawu otmâ âliwahap topņe topņe kalop ya orowâk Kiristohât amutgen tatmunņe kunnenņe otmâ tatbuapgât sâm kalop. Yawu gârâmâ emelâk embâņâmbâek yakât topņe amokņan tatmâ gaop. Yakât otmâ lohimbi nombotņane yeņe nâņgân nâņgân watmâ yakât topņe nâņgâne sâm pâpgum gawi. Yâhâ nenâmâ Anitâņe nâņgân nâņgânnenņe mem pâron pilâningimu yakât topņe nâņgâmain. Anitâņe sâp kalop ya ikņak ekmu ârândâņ otmu den yakât bulâņe tetem henņenņuwuap.

<sup>11</sup> Otmu Yura lohimbi nengât hohetnennan lok âlâ tetem kunnenņe manmâ tihitnenņe otbuapgât nâņgâm Anitâņe yakât pat kuningiop.

Yakât otmâ pat kuningiop yapâek nenŋe lok ya tetem tihitnenŋe otbuapgât nâŋgâm biwinenŋaŋe mem mambotbaŋgim gawin. <sup>12</sup> Otmu pat kuningiop yakât bulâŋeâmâ Kiristoŋe lohimbi kerek nengât tihitnenŋe otbe sâŋ Yura lohimbi nengâlen teteop. Nengâlen tetemu nenŋe yâk orop biwinenŋaŋe kepeiakmâ konohâk otmu yâkât pat otmâ mansain. Yakât otmâ Anitâhât nâŋgâmunŋe âlâ kândâkdâ otmu heronŋe nâŋgâwaŋgim mepaem mannom.

*Manman kârikŋan mannomgât nâŋgâm engat yâhâp ki otmâin.*

<sup>13</sup> Kiristoŋe lohimbi kerek nengât tosanenŋahât otmâ ge kawenenŋan kinmu kuŋetâ muop. Yâkât den pat âlepŋe ya nenŋe yen pâku lohimbi ekyongomunŋe nâŋgâŋetâ bulâŋe olop. Den pat ya nâŋgâŋetâ bulâŋe otmu yâkâlen biwiyenŋaŋe kepeiwi. Yawu otbi yan Anitâŋe meyekmâ nine nanne baratne sâŋ manman kârikŋahât pat nen Yura lohimbi kuningiop ya yen gurâ yawuâk kuyiŋgiop. Yakât otmâ ikŋe Wâtgât mâmâŋahât Heak hâŋgâŋumu ge lohimbi kerek mâmâŋe otningiwuapgât sâŋ kalop. Yakât otmâ ya hâŋgâŋumu yengâlen ge mâmâŋe otyiŋgiop. <sup>14</sup> Otmu pat kuningiop yakât bulâŋe sâp patoen menom nâŋgâm Kiristohâlen biwinenŋaŋe tiŋâk kepeim mannom. Yawu manmunŋe Wâtgât mâmâŋahât Heakŋe biwinenŋan kioŋmu pat yakât bulâŋe menom nâŋgâm engat yâhâp ki otmâ mannom. Yawu manmunŋe sâp patoen Anitâŋe menenekmâ ikŋan torokatnenekmu manman

kârikɲan manmâ herone otbanɲim mepaem yâhâmbisâin.

*Anitâ Wâtɲât Ambonaje mâmâne otningimu kârihem kinmain.*

<sup>15</sup> Yeɲe Kutdânenɲe Yesu Kiristohâlen biwiyenaje kepeim manmâ gai. Yawu manmâ Anitâhât lohimbi orop biwiyenaje kepeiakmâ konohâk otmu manmâ gai. Otmu yengât den pat ya bukulipnaje eknohonetâ nângâm tep hero nângâyɲngian. <sup>16</sup> Yawu nângâm Kutdânenɲe Yesu Kiristo âwâɲâit mepaeyelekman. Otmu Anitâne yuwu otyɲngiâkgât ulitguman. <sup>17</sup> Awonɲenɲe Anitâ laɲɲne Ambonaje ikɲe Wâtɲât mâmâɲahât Heak hângângumu ge yengât biwiyenjan kionɲmu nângân nângânyenɲe keterakyɲngiwuap. Yawu otmu Anitâne tihityenɲe otmap yakât topɲe nângâm heɲgeɲgum yâkâlen biwiyenaje kepeim mannomaihât yâk ulitguman. <sup>18</sup> Otmu Anitâne yen orop menenekmâ ikɲan torokatnenekmu herone kakɲan manmâ yâhâmbisâingât pat kuningiop. Pat yakât bulâne menomgât nângâm biwinenɲe mem mansain. <sup>19-20</sup> Otmu Anitâ Wâtɲât Ambonaje ikɲe wâtɲambâek Kiristo mumuɲambâ mem yahalop. Otmu nen gurâ yawuâk mâmâne otningimu wâtɲan kinmâ Kiristohâlen biwinenɲenɲe tiɲâk kepeim manmain. Yeɲe yakât nângâɲetâ keterahâkgât nângâm Anitâ ulitguman.

Anitâne Kiristo mumuɲambâ mem yahatmu yâkɲe himbimân yâhâmu ikɲe orowâk tawot. <sup>21</sup> Himbimân orowâk tatmâ Kiristone Anitâhât hahit mem kinmâ aɲelo himbimân tatmai otmu âi

weke, emet ambonje, senduk banearâ, susun me sâtje metje topje topje hânân yu tai kerek yengât kunyeje tatmap. Otmu emelâk embânjan Anitâje hân himbim kândikyotgom âliwahap topje topje kalop ya orowâk Kiristohât amutgen tatmunje kunnenje tatmap. Otmu yawuâk kunnenje tatmâ yâhâwiop. Otmu sâp pesuk sâwuap yan hân himbim yu biatmu Anitâje hân himbim anjo kândikuwuap. Otmu sâp yan gurâ yawuâk kunnenje tatmâ yâhâmbisâp. <sup>22</sup> Yakât otmâmâ âliwahap kerehâkne yâkât amutgen tatbuapgât Anitâje sâm kalop. Otmu Kiristohât komot mansain nen gurâ yawuâk yâkât amutgenâk tatmunje kunnenje tatmâ tihitnenje otmâ yâhâmbisâpgât sâm kalop. <sup>23</sup> Yakât otmâ Anitâje mâmâje otningimu Kiristo orop biwinnenjae kepeiakmâ konohâk otmap. Otmu nenje hoj bawanjomain yan yâkât lauje otmu kâjne bânje yawu otmâ nep mewanjim manmunje ârândân merândân otmap.

## 2

*Anitâje mem hewewej tuhunenekmu Kiristohâlen biwinnenjae kepeim manmain.*

<sup>1</sup> Emelâk Anitâje ki mem hewewej tuhuyekmu Kiristohâlen biwiyene katbi sâp yan yeje orotmeme bâlene topje topje otmâ tosa mem manminiwi. Yawu otbi yakât otmâ hiliwahonomaihât pat manbi. <sup>2</sup> Sâp yan yeje engatyeneâk otmâ manman bâlenjahât mâtâp watbi. Yawu otmâ weke bâlene amboyenjae biwiyenan kionmu yâkât amutgen manmâ tem lâuwanjim manminiwi. Otmu sâp yuâmâ yâkne

lohimbi belângen mansai ya yenğât biwiyenjan gurâ yawuâk kionmu Anitâhât den kumai. <sup>3</sup> Otmu yâkne Anitâhât den kum orotmeme bâleje otmai ya nenje gurâ yawuâk otbin. Yawu gârâmâ emelâk nen kerekne nenje engatnenneâk watmâ biwinenjanbâ nângân nângân bâleje âlâlâ teteminiop ya watmâ otminiwin. Yakât otmâ Anitâne lohimbi kerek nenekmu ki ârândâj otmu hiliwahonomgât pat otbin.

<sup>4-6</sup> Yawu otmâ manbin yamâ ikjahâk tepne nângâningim tihitnenje otmâ Kiristo hângângumu ge nengât toсахât otmâ kawenenjan kinmu kujetâ muop. Nenje yâkâlen biwinenje katbin yan Anitâne tosanenje pilâningim manman ânje ningimu yakât topne nângâm biwinenje huruj sâop. Otmu Anitâne yen gurâ yawuâk wawaeyekmâ tosayenje pilâm manman kârikjahât pat kuyingimu mansai. Yakât otmâ yen me nen hârok Kiristo orop biwinenjanje kepeiakmâ konohâk otmu mansain. Otmu sâp pato tetewuap yan Anitâne mumunambâ mem yahatnenekmu Kiristo orop himbimân yâhâ tatbisâin. Yakât pat kuningimu tap. Yakât nângâm engat yâhâp ki otmain. <sup>7</sup> Nenje Kiristohâlen biwinenjanje kepeimunje Anitâne kaok nângâningim tosanenje pilâmu biwinenje huruj sâmu lohotjan manmain. Otmu sâp yupâek lohimbiye yakât nângânetâ hâu sâsâ otbuap. <sup>8-9</sup> Yene himbimân yâhâ manman kârikjan mannomaihât pat kuyingimu mansai. Yakât nângâm yenahât nângânetâ yahatmu hâkyenje mepaemaihât yuwu sâmune nângânet. Anitâ ikjahâk wawaeyekmâ

tihityeņe otmâ Kiristo hângângumu ge yengât tosehât otmâ muop. Otmu yeņe Kiristohâlen biwiyeņe katņetâ Anitâņe tosayeņe pilâyিংim manman kârikņahât pat kuyিংimu mansai. Yeņe wâtyeņan ya ki mem tetewi. Yakât otmâ yeņahât ki nângâņetâ yahatmu mepaeaknomai. <sup>10</sup> Otmu yeņe Kiristohâlen biwiyeņe katbi sâp yan Ambonenņe Anitâņe manman âiņe yিংimu mem mansai. Yawu manmâ orotmeme âlepņeâk otmâ tânahom mannomaihât sâm kalop.

*Kiristoņe nen lohimbi topņe topņe menduhunenekmu manmain.*

<sup>11-12</sup> Kiristoņe nen Yura lohimbi otmu yen pâku lohimbi mem menduhunenekmu komot konohâk otmunņe ikņak kunnenņe tatmap. Yakât topņe yuwu sâmunne nângâņet. Emelâk yen pâku lohimbiņe Anitâhât topņe ki nângâwi. Yâhâ emelâk embâņân Anitâņe Awarahamgât pat kuwaņgiop ya Yura lohimbi nengât gurâ yawuâk kuningiop. Yakât otmâ nenņe yengât nângâmunnę gemu yuwu nângâminiwin. “Nen Awarahamgât sen mansain yakât otmâ hâknennjahât torehenņan undip tuhuangimain. Yâhâ yen pâku lohimbiâmâ Awarahamgât sen ki oai. Yakât otmâ ketetyekmunņe belângen manmâ hâkyeņahât torehenņan undip ki tuhuangimai. Yakât otmâ Anitâņe hiliwahonomaihât pat kuyিংimu mansai.” Yengât yawu nângâminiwin. Otmu hâknennjahât torehenņan undip tuhuangiminiwin orotmeme yaņe ki tânnongomap. Yakât otmâ orotmeme yakât nângâmune tâņât otmap. <sup>13-15</sup> Otmu emelâk yeņe Kiristohât topņe ki nângâm

belângen manbi. Yâhâ sâp yuâmâ yâk orop biwiyenjaŋe kepeiakmâ konohâk otmu mansai. Yawu gârâmâ Kiristo Biwi kepeiak kepeiak Amboŋe ikŋak nen Yura lohimbi otmu yen pâku lohimbi kerek nengât tosanenŋahât otmâ kawenenŋan kinmu kuŋetâ muop. Muop yan yeŋe Anitâhât komolân torokatnomaihât mâtâp meyiŋgiop. Yawu olop yakât otmâ Anitâŋe yen orop kaok nâŋgâningimu biwinenŋaŋe kepeiakmâ konohâk otmu buku oraŋgimain.

Yâhâ emelâk embâŋân Anitâŋe girem den âlâlâ Mose ekumu kulemguop. Otmu Yura papatolipnennjaŋe yeŋe nâŋgân nâŋgân watmâ girem den yan den âlâlâ torokatbi. Otmu nenŋe den ya lâum yen ketetyekmunŋe yaehen manŋetâ yen orop kasa kârikŋe manminiwin. Otmu den âlâlâ torokatminiwi yaŋe undip kârikŋe olop. Yawu gârâmâ Kiristoŋe tosanenŋahât otmâ muop yan undip ya mem gahaem yen orop menduhunenekmu komot konohâk otmâ manmain. <sup>16</sup> Otmu Kiristoŋe tosanenŋahât otmâ kawenenŋan kinmu howanân kuŋetâ muop yan mem menduhunenekmu Anitâŋe kerek nengât kaok nâŋgâningimap. Otmu nenŋe biwinenŋe sânduk sâmu buku oraŋgim manmain. <sup>17</sup> Kiristoŋe yawu otningiop yakât den pat aŋgoân nen Yura lohimbi eknongop. Otmu nenŋe yâkât den ya torokatmâ yen kâsikum yiŋgim gain. <sup>18</sup> Yakât otmâ Wâtgât mâmâŋahât Heakŋe biwinenŋan kionmâ yen orop mem hewewej tuhunenekmu Kiristohâlen biwinenŋaŋe kepeimain. Yawu otmunŋe Kiristoŋe mâtâp mem teteningimu



âwâŋe Anitâhâlen biwinenŋaŋe kepeim mepaem mannom.

*Nen Anitâhât sen otmâ mansain.*

<sup>19</sup> Emelâk nen Yura lohimbiŋe yen pâku lohimbi yekmunŋe kasa kârikŋe otmu keterakmâ ikŋiâk ikŋiâk manminiwin. Yâhâ sâp yuâmâ nenŋe yen orop manman bâleŋambâ keterakmâ orotmeme bâleŋe pilâm Anitâhâlen biwinenŋaŋe kepeim komot konohâk otmâ mansain. Yakât otmâ Anitâŋe menenekmu ikŋe sen otmâ mansain. <sup>20</sup> Yakât topŋe nâŋgâŋetâ keterahâkgât emet tuhumain yan hâum sâmune nâŋgâŋet. Hân aim saran lâum kânâŋgâmunŋe kinmap yaŋe Kiristohât aposololipŋe otmu poropetelipŋe nengât dop oap. Otmu saran yakât kakŋan hohem katmâ kokore pilâm gârem kâwi huhum pilâmain yaŋeâmâ lohimbi menduhuakmâ Anitâ mepaemai yakât dop oap. Otmu kuhupin lâum kânâŋgâmunŋe ŋiwiŋ ŋiwiŋ sâm kinmap yaŋeâmâ Kiristo ikŋahât dop oap. <sup>21</sup> Otmu kuhupin kakŋan gimbâ katmâ geri kum pilâm losohomunŋe emet ya âilonŋo kinmap yakât dopŋeâk nenŋe Kiristohât komot konohâk otmâ yâkât wâtŋan manmain. Yawu manmâ Anitâhât opon kâmbukŋe yakât dop otmâ manmain. <sup>22</sup> Otmu emelâk Anitâŋe ikŋe opon kâmbukŋan ge tatminiop yakât dopŋeâk ikŋe Wâtgât mâmâŋahât Heak hânŋângumu ge biwinenŋan tatmâ mâmâŋe otningimu manmain. Yawu otningimu biwinenŋaŋe kepeiakmâ konohâk otmu buku konok oraŋim manmâ yâhânom.

### 3

*Anitâŋe Paulohât nâŋgân nâŋgânŋe mem pâron pilâwanŋiop.*

1-2 Yen pâku lohimbiŋe Kiristohâlen biwiyenâŋe kepeim Anitâhât komolân torokatŋetgât Anitâŋe ikŋahâk nâŋgânihim aposolo âi nihimu mem mansan. Âi ya mem Kiristo hon bawanŋim yâkât den pat âlepŋe ekyongoman. Den pat âlepŋe ekyongomune lok nombotŋaŋe den ya nâŋgâŋetâ gemu bet pilâm pâi emetŋan mem katnekŋetâ manmâ gan. <sup>3</sup> Emelâk Anitâhât biwiŋan nâŋgân nâŋgân âlâ nâŋgâm gaop ya nâŋgâmune keterahâkgât nâŋgân nâŋgânne mem pâron pilânihimu nâŋgâwan. <sup>4</sup> Otmu den yakât nâŋgâmune biwinambâ nâŋgân nâŋgân âlâlâ tetemap ya pâŋe tâlâwâk kulemgum katyiŋgian yu ekmâ nâŋgânomai. <sup>5</sup> Emelâk embânâmbâek Anitâŋe lohimbi âlâ me âlâhât nâŋgân nâŋgânyeŋe ki mem pâron pilâyiŋgiop. Yakât otmâ den yakât pâpŋuwi. Yawu gârâmâ sâp yuâmâ Anitâhât Wâtŋât mâmâŋahât Heakŋe den ya mem Kiristohât aposololipŋe otmu poropetelipŋe nengât biwinenŋan katmu nâŋgâmain. <sup>6</sup> Den yakât topŋe yuwu sâmune nâŋgâŋet. Nenŋe Yesu Kiristohât den pat âlepŋe yen pâku lohimbi ekyongomunŋe nâŋgâŋetâ bulâŋe otmu yâkâlen biwiyenâŋe kepeim mansai. Yawu manŋetâ Anitâŋe nen Yura lohimbi orop mem menduhunenekmu komot konohâk otmâ mansain. Yawu manmunŋe sâp pato tetewuawân Anitâŋe manman kârikŋahât pat yakât bulâŋe ningimu mem Yesu Kiristo orop heronŋe kakŋan tatbisâin.

<sup>7</sup> Anitâñe ikñe engatñeâk otmâ menekmâ aposolo âi sâam nihiop. Âi ya mem yâkât wâtñan kinmâ Kiristohât lohimbi hoñ bayingim yâkât den lohimbi kâsikum yingiman. <sup>8</sup> Yâhâ emelâk yâkât lohimbi dondâ mem bâleyekminiwan. Yakât otmâ ninahât nângâmune gemu Anitâhât lohimbi yengât amutyenñan mansan yawu nângâmune otmap. Yamâ nâñe mem bâleyekminiwan yapâek Anitâñe menekmâ âi sâam nihimu Kiristohât den pat ya yen pâku lohimbi ekyongom gan. Yakât yuwu sâamune nângâñet. Kiristone wawaenenekmâ tihitnenñe otmu manmannenñahât bulâñe teteningimu biwinenñe huruñ sâamu manmain. Otmu yawuâk otningim yâhâwuap. Yakât topñe nenñahâk nângâm ba takanomgât dop ki tap. <sup>9-10</sup> Otmu girawu manmunñe Anitâñe nenekmu ârândân otmu manman kârikñahât pat kuningiwuap yakât den sâam holañmâ pâku lohimbi ekyongomune nângâmai. Otmu Anitâ Hân Himbim Ambonañe nen Kiristohât lohimbi kerek mem hewewenñe tuhunenekmu Kiristohât den pat sâam haok tuhonom. Yawu otnom yan Anitâhât biwiñan nângân nângân âlâlâ tatmap yakât bulâñe topñe topñe tetemu añelolipñane ekñetâ âlâ kândâkdâ otbuap. Yakât nângâm emelâk embânâmbâek yâkñe lok âlâ me âlâhât nângân nângânyene ki mem pâronñ pilâyingio. Yakât otmâ den yakât topñe pâpñuwi. <sup>11</sup> Yawu otmâ ikñe nângân nângân watmâ sâpñe ekmu ârândân otmu Kutdânenñe Yesu Kiristo hângangumu giop yan den yakât bulâñe teteop. <sup>12</sup> Nenñe Kiristohâlen biwinenñane kepeim Anitâ pahâk ulitgumunñe nângâningiwuap. Yakât

nângâm nenje biwi yâhâp kakņan ki ulitgunom.  
<sup>13</sup> Nâņe Kiristohât den pat kâsikum yingimune  
 nâņgâņetâ bulâņe otmu yâkâlen biwiyeņaje  
 kepeim mansai. Yakât otmâ lok nombotņaje  
 pâi emetņan mem katneķetâ manmâ gan. Nâņe  
 yeņgât nâņgâm hâhiwin kakņan mansan yakât  
 nâņgâm yeņe kârihem kinmâ biwiyeņe ki orotok  
 sâwuapgât nanġan.

*Kiristoņe wawaenenekmap yakât Pauloņe  
 kulemguop.*

<sup>14-15</sup> Yen pâku lohimbiņe Kiristohâlen  
 biwiyeņaje kepeim Anitâhât komolân torokatņetâ  
 nen Yura lohimbi orop biwinenņaje kepeiakmâ  
 konohâk otmu mansain. Anitâhât aņelolipņe  
 topņe topņe himbimân tatmai otmu âliwahap  
 topņe topņe hânân yu kalop, ehekņe ki ehekņe,  
 kerek nengât manmannenņe Awoņnenņe Anitâ  
 ikņak ningimu manmain. Yâkņe nine nanne  
 baratne sâm menenekmu mansain yakât  
 nâņgâmune hâu sâsâ otmu mepaeman. <sup>16-17</sup> Anitâ  
 Manman Ambonaje koko salehâk tatmap. Otmu  
 yu yakât ki pâpgumap. Yawu tatmap yakât  
 nâņgâmunņe âlâ kândâkdâ otmap. Otmu nâņe  
 yeņgât nâņgâm yâk ulitgumune ikņe Wâtġât  
 mâmâņahât Heak hâņġângumu ge mem hewewen  
 tuhuyekmu Kiristohâlen biwiyeņaje tiņâk kepeim  
 tem lâuwangim mannomai. Yawu otņetâ yâk  
 orop biwiyeņaje kepeiakmâ konohâk otmap  
 yakât dopņeâk bukulipyene orop biwiyeņaje  
 kepeiakmâ konohâk otmu buku orangim  
 mannomai. <sup>18</sup> Otmu Kiristoņe wawaenenekmâ  
 kawenenņan kinmu kuņetâ muop yakât topņe

nângânetâ keterakyiŋim heŋgeŋguâkgât Anitâ ulitguman. <sup>19</sup> Yeŋgât yawu ulitguman. Yawu gârâmâ Kiristoŋe wawaenenekmap yakât topŋambâek nâŋgâm metenomgât dop âlâ ki tap. Yawu gârâmâ yeŋe yâkâlen biwiyenaje tiŋâk kepeim manŋetâ yanâmâ Wâtgât mâmâŋahât Heakŋe mâmâŋe otyiŋgiwuap. Mâmâŋe otyiŋgimu manmanyenahât bulâŋe âlâlâ teteyiŋgimu Kiristoŋe wawaeyekmap yakât topŋe nâŋgâm heŋgeŋgunomai. Manmanyenahât bulâŋe teteyiŋgiwuap yakât dopŋanâk âi mem Anitâ hoŋ bawanŋim manmâ yu yakât ki pâpgunomai.

<sup>20</sup> Anitâhât Wâtgât mâmâŋahât Heakŋe mâmâŋe otniŋim yâhâwuap. Yakât otmâ nenŋe Kiristo hoŋ bawanŋim nep âlâlâ memunŋe yakât bulâŋe tetewuap nâŋgâmain ya wangim tetewuap. <sup>21</sup> Yakât nâŋgâm Kiristohâlen biwinenŋaje kepeim hoŋ bawanŋim manmunŋe bulâŋe âlâlâ tetemu ekmâ Anitâ mepaem manmâ yâhâmbisâin. Ya bonŋanâk.

## 4

### *Kiristo hoŋ bawanŋim tânahom mannom.*

<sup>1</sup> Bukulipne, yuwu sâmunne nâŋgânet. Nâŋe Kiristohâlen biwinaje tiŋâk kepeim hoŋ bawanŋim yâkât den pat lohimbi kâsikum yiŋgiman. Otmu emelâk den ya kâsikum yiŋgimune lok nombotŋaje nâŋgânetâ gemu bet pilâm pâi emetŋan mem katnekŋetâ manmâ gan. Otmu den ekyongomune nâŋgânetâ Anitâhât Wâtgât mâmâŋahât Heakŋe biwiyenaje mem hewewen tuhumu yapâek Kiristohâlen biwiyenaje kepeim

mansai. Yakât otmâ yâkât den ya tiñâk lâum manñetâ lohimbijê manmanyenê ekñetâ ârândân olâkgât nanjan. <sup>2</sup> Otmu yenahât nânğâñetâ gemu huruñ huruñ manmâ bukulipyenê orop ewe karangim mannomai. Yawu manmâ buku nombotñenê nânğâm bâleyiñginomai yan biwiyenêñe kepeiyekmâ lohotñan otyiñginomai.

<sup>3</sup> Sâp yiwerenê yuâmâ biwiyenêñe kepeiakmâ konohâk otmu mansai. Yawuâk torokatmâ manne sââmâmâ tihit oranğim biwi sânduhân mannomaihât nanjan. <sup>4</sup> Anitâhât Wâtğât mâmâñahât Heak ikñak mem hewewenñ tuhunenekmu Kiristohâlen biwinenñenê kepeim yâkât komot konohâk otmâ mansain. Yawu manmunñe Kiristo ikñak âwurem ge menenekbuapgât nânğâm biwinenñe mem manmain. <sup>5</sup> Kutdânenñeâmâ Kiristo konohâk. Otmu yâkât den konohâk lâum manmain. Otmu toen katnenekñetâ Kiristo orop biwinenñenê kepeiakmâ konohâk otmap yakât mâtâp konohâk tap. <sup>6</sup> Otmu Awonñenñeâmâ Anitâ ikñak kunnenñe pato tatmap. Otmu Anitâñe wosapâ me wosapâ ki tatmap yawuya âlâ ki tap. Yakât otmâ himbimân añelolipñe tai otmu hânân âliwahap topñe topñe kalop ya kerehâk hohem tatmu yâkât wâtñan tatmâ gamain.

<sup>7</sup> Otmu Kiristonê ikñahâk biwinenñahât topñe ekmâ nânğâmap. Otmu Wâtğât mâmâñahât Heak hânğângumu ge biwinenñan tatmâ mâmâñe otningimap. Yawu otningimu manmannenñahât bulâñe ikñiâk ikñiâk teteningimap yakât dopñanâk âi topñe topñe mem Kiristo hoñ bawanğimain.

<sup>8</sup> Den yan yuņe emelâk lok âlâņe Anitâhât den kulemguop ya miap. Den yamâ yawu tap.

“Lohimbiņe hoņ bawaņginetgât yâkņe meyekmâ himbimân âwurem yâhâop. Yawu otmâ mâmâņe otyiņgimu âi meņetâ yan bulâņe âlâlâ teteop.” Den yawu tap.

<sup>9</sup> Aiop, “himbimân âwurem yâhâop,” den yawu kulemguop. Den ya ekmâ yuwu nâņgâmain. “Aņgoân himbimâmbâ ge hânân manmâ muop,” yawu nâņgâmain. <sup>10</sup> Otmu mumuņambâ yahatmâ himbimân âwurem yâhâmu Anitâ orop tawot. Yawu otmâ kunnenņe tatmâ mâmâņe otniņgimu yâkât lauņe, otmu kâiņe bânņe yawu otmâ hoņ bawaņginom. Hoņ bawaņginom yâkât den pat sâm haok tuhumunņe hânņan kulemņan ariwuap. <sup>11</sup> Yâkņe mâmâņe otniņgim âi ikņiâk ikņiâk niņgimu mem tânahom manmain yamâ yuwu. Lok nombotņe lohimbi belâņgen manmai ya yengâlen ari Kiristohât den pat âlepņe ekyongomunņe nâņgânomaihât kut aposolo sâm âi niņgiop. Yâhâ lok nombotņeâmâ nen tânnongonetâ lohimbi Kiristohât den pat âlepņe orowâk kâsikum yiņginomgât kut bawapi sâm yiņgimap. Yâhâ lok nombotņeâmâ Anitâhât biwiņan den âlâlâ tatmap ya sâm holaņmâ lohimbi ekyongonomaihât kut poropete sâm âi yiņgimap. Yâhâ lok nombotņeâmâ Anitâhât lohimbi yengât kunlipyeņe manmâ yâkât den kâsikum yiņginom galemyongonomaihât kut pasto sâm âi yiņgimap. Yâhâ lok nombotņeâmâ pasto tânyongom lohimbi den kâsikum yiņginomaihât kut papasu sâm âi yiņgimap. <sup>12</sup> Yawu gârâmâ

nenje Anitâ nanjahâlen biwinenñaje tiñâk kepeim mannom. Yawu manmâ âi ningiop ya mem lohimbi orop tânahom manmunje manmannenje kelihakbuap. <sup>13</sup> Yawu otmâ biwi nângân nângânnenñaje menduhuakmâ konohâk otmu Kiristone hânân manmâ olop miop yawuâk otmâ mannom. Yawu otmâ manmunje Anitâñe nenekmu Kiristohât dop yawu otbuap. <sup>14</sup> Yâhâ sâp yu manman girawu mansai yakât topñe nângâñetâ keterahâkgât yuwu sâmune nângâñet. Nimnaom titipâñe bukulipyenje orop engalân gianjim âwâ mâmâlipyenje yengât den kum ari malon manmai. Yenje yakât dopñeâk otmâ mansai. Otmu yakât den âlâen hâum sâmune nângâñet. Nenje wañga mem saru kakñambâ arimain. Arimainângembâ siru pato pilâmu to dondâ bâlemap. Yawu otmâ wañga ya mem kopa kopa tuhumap. Yakât dopñeâk lok perâkñaje Kiristohât den kelañgatmâ den perâkñe topñe topñe kâityongomai. Yawu otmâ nângân nângânyenje mem hâlim milim tuhuñetâ mansai. Yawu gârâmâ sâp yupâek yenje biwiyenje galemahom manñetâ manmanyenje kelihakbuapgât yuwu otmâ mannomai. <sup>15</sup> Bukulipyenje orop biwiyenñaje kepeiakmâ konohâk otmu Anitâhât den tâñ tâñâk watmâ den bulâñeâk alahunomai. Yawu otnomai yan manmanyenjahât bulâñe tetem gap ya wangim bulâñe pato tetewuap. Otmu Kunnenñe Kiristone manop yawuâk manne sâm yâkñe olop miop yawuâk otmâ mannomai. <sup>16</sup> Yakât nângâm yuwu sâmune nângâñet. Hâknennjeâmâ konohâk. Yawu gârâmâ Anitâñe ikñe enjatñeâk otmâ hâknennjahât



torehenne âlâ âlâ kalop ya watmâ âi ambojan ambojan tuhumai. Yawu otmâ manmammenne tetemu âlepne manmain. Aiop, Kiristone kunnenne tatmap. Otmu nenneâmâ yâkât laune, otmu kâine bâtne otmâ hoj bawangim manmain. Yawu otmâ manmunne yâkne ikne hahit ningimu mem yâkât den tinâk lâum bukulpnenne orop biwinenne kepeiakmâ konohâk otmu tânahom manmain. Yawu manmunne manmammenne kelihakmu mannom.

*Anitâne manman âine ningimu mem mansain.*

<sup>17</sup> Otmu yengâlen gâtne lohimbi nombotjane pâku lohimbine otjetâ bâlemap yawu manmâ otjetâ bâlem gap. Yakât otmâ nâne Kutdâhât sâtgât otmâ kuyinginetgât yuwu sâmune nângânet. <sup>18</sup> Pâku lohimbi belângen manmaine yene nângân nângânyene bâlene ya watmâ omoj kâlehen manmai. Otmu Anitâne manman âine nen ningimu mem mansain. Yakât topjahât pâpgum biwiyene kârikne otmâ hiliwahonomaihât pat mansai. <sup>19</sup> Otmu ekjâleangim orotmeme kingon manjon otneâk nângâmai. Yawu otmâ anjunyehât ki otmai.

<sup>20-21</sup> Yâhâ nenne Kiristohât den ekyongomunne nângânetâ bulâne otmu yâkâlen biwiyene kepeiwi. Sâp yapâek yâkât tem lâum orotmeme âlepneâk otjetgât yâkât den bulâne kâsikum yingimunne nângâm gai. <sup>22</sup> Emelâk yene nângân nângânyene tâjât ya watmâ senne âlâlâ ekjâlem otjetâ dondâ bâleminiop. Yawu manjetâ nângân nângânyene gulip malap otmu manmanyene dondâ bâlemu manmâ gawi. Otmu orotmeme

bâleŋe otmâ mansai yaŋe mem bâleyekmapgât ya bunewâk bet pilâŋetgât naŋgan. <sup>23-24</sup> Yawu otŋetâ yanâmâ Anitâŋe biwiyenŋe mem hewewenŋe tuhum nâŋgân nâŋgân âiŋe, ikŋe yawuya, biwiyenŋan katbuap. Nâŋgân nâŋgân âiŋe biwiyenŋan katbuap ya watmâ yâkât den tem lâuwaŋgim biwiyenŋe galemgum heŋgeŋgum mannomai. Yawu manŋetâ manmanyenŋe kelihakmu Anitâŋe yekmu ârândâŋ otbuap.

<sup>25</sup> Nenŋe Kiristohât komot konohâk otmâ mansain. Yakât otmâ biwiyenŋe kurihiakmâ manŋetâ manmanyenŋe tawi tawiŋe otmapgât orotmeme bâleŋe ya betgum pesuk pilâm den bulâŋeâk alahum tihit oraŋgim mannomai. <sup>26</sup> Yawu gârâmâ lohimbi âlâ me âlâŋe mem bâleyekŋetâ kuk otnomai yan Anitâhât den lâum in yawu kaok oraŋginomai. <sup>27</sup> Yawu otmâ Satan Manman Bâleŋe Amboŋahât mâtâp maŋguwaŋginomai. <sup>28</sup> Yeŋe lohimbi komborâ ekyongonŋetâ ki kombo tuhunomai. Yâkŋe âi mem manmâ yapâ hâmeŋe mem yeŋe tânahom nombotŋe kâsikum lohimbi umburuk mansai ya tânyongonomai. <sup>29</sup> Den hako ki sahaŋginomai. Otmu bukulipyenŋe biwiyenŋe galemahom kârihem kinŋetgât mem hewewenŋe tuhuyekmâ den lohotŋan ekyongonomai. <sup>30</sup> Anitâŋe meyekmâ manman kârikŋahât pat kuyiŋgiop. Yawu gârâmâ sâp pato tetewuap yan pat yakât bulâŋe yingimu menomai. Yakât nâŋgâm enŋat yâhâp otmaiŋhât ikŋe Wâtgât mâmâŋahât Heak hâŋgângumu ge biwiyenŋan tatmâ mem hewewenŋe tuhuyekmu mansai. Yakât otmâ Wâtgât mâmâŋahât Heakŋe

tep bâle nângâyîngimapgât orotmeme bâleŋe ki tâtâem otmâ mannomai. <sup>31</sup> Yawu otmâ ki kuk otmâ sârehahom den bâleŋe hâiaknomai. Otmu ki nângâm bâleŋiŋetâ biwiyenŋe ŋasin otbuap. <sup>32</sup> Yâhâ yeŋe Kiristohâlen biwiyenŋe kepeim manŋetâ Anitâŋe tosayenŋe pilâyîngimap yakât dopŋeâk bukulipyenŋe orop tosayenŋe pilanŋinomai. Yawu otmâ ewe karanŋim lohotŋan oranŋinomai.

## 5

*Manman bâleŋambâ keterakmâ Anitâhât tem lâuwanŋim mannom.*

<sup>1</sup> Anitâŋe wawaeyekmâ nine nanne baratne sâm meyekmu mansai. Yakât otmâ yeŋe gurâ yawuâk bukulipyenŋe orop biwiyenŋe kepeiakmâ konohâk otmu mannomai. <sup>2</sup> Kiristonŋe biwiŋenŋe kepeinenekmâ ikrŋe manmanŋe ki alilop. Yawu otmâ Anitâ âwâŋahât tem lâuwanŋim kawenenŋan kinmu kuŋetâ muop. Yawu otniŋiop yakât Anitâŋe nângâmu ârândânŋ olop. Otmu yeŋe gurâ yawuâk bukulipyenŋe orop biwiyenŋe kepeiakmâ konohâk otmu buku oranŋinomaihât nanŋan.

<sup>3</sup> Yeŋe manman bâleŋe pilâm yapâ keterakmâ Anitâhât tem lâuwanŋim mansai. Yakât otmâ ki ekŋâleŋim kâwâ konda otnomai. Me bukulipyenŋe yeŋgât senŋe âlâlâ ki ekŋâlenomai. <sup>4</sup> Yâhâ orotmeme kiŋgoŋ otnomai yanâmâ anjun pato tetemu dondâ bâlewuap. Yawu gârâmâ bukulipyenŋe yeŋgât senyenŋan ki genomai. Me den imbiâk mambiâk ki sahanŋinomai. Yawu otmâ bukulipyenŋe yeŋgât nângâm Anitâ mepaenomai. <sup>5</sup> Lohimbi nombotŋenŋe senŋe âlâlâ ekŋâlem

biwiyenye yanâk kinmu yakâlâk nângâm manmai. Lohimbi yawu manmai ya yengât Anitâne nângâmu Porom Lâpiohâlen biwiyenaye kepeim mepaemai yawu otmap. Lohimbi yawu otmâ manmaine lohimbi kâwâ konda otmai orop Anitâne manman kâriknahât pat ki kuyingiwuap. Yakât otmâ yâkne Kiristo âwânâit orop himbimân ki tatnomai.

<sup>6</sup> Lohimbi âlâ me âlâne den imbiâk sâm engatyenan genetâ orotmeme bâlene yakât nângânetâ bulâne otmapgât yuwu sâmune nângânet. Orotmeme bâlene âlâlâ sâm aran yu lohimbine otnomai yanâmâ Anitâne kuk otyingim matne amoknan yingimu menomai. <sup>7</sup> Yakât otmâ lohimbi yawuya orop biwiyenaye ki kepeiakmâ konohâk otmu tânahonomai. <sup>8</sup> Emelâk yene Anitâhât pâpgum omoŋ bâlenen manminiwi. Yawu gârâmâ ikne laŋinŋane biwiyenan pilâmu Kutdâhâlen biwiyenaye kepeim manmâ gai. Yakât otmâ orotmeme bâlene bet pilâm Anitâhât tem lâum mannomai. <sup>9</sup> Yawu otmâ mannetâ manmanyene kelihakmu yakât bulâne âlepneâk tetewuap. Yawu tetemu Anitâne manmanyene ekmu ârândâŋ otbuap. <sup>10</sup> Yawu gârâmâ yene manman girawu mannetâ Anitâne yekmu ârândâŋ otbuap yakât nângâm kiwilim otmâ lohotnan mannomai. <sup>11-13</sup> Otmu lohimbine omoŋân ge hiliwahonomaihât pat mansai ya yengât manmanyeneâmâ tawi tawine. Yakât otmâ yâk orop ki buku oraŋginomai. Yâkneâmâ yok pilâm orotmeme bâlene topne topne oraŋgimai. Yakât nângâm anulakmaingât otmai yakât ki alahumain. Yâhâ nenne yu me yakât nângâmunne

haŋ sâningimap yakât topŋe tetekŋan tetemu ekmain. Yakât otmâ yâkŋe orotmemeyeŋe bâleŋe yakât nâŋgâŋetâ haŋ sâyingimu bet pilâŋetgât yeŋe den ekyongom engatyenŋan genomai. <sup>14</sup> Den ekyongonetâ nâŋgâŋetâ haŋ sâyingimu yanâmâ yâkŋe manmanyenahât topŋe tetekŋan tetemu eknomai. Yakât nâŋgâm kep yuwu meŋetâ nâŋgâmain.

“Kâlâwahom yahatne. Mumuŋambâ yahatne. Yawu otmunŋe Kiristohât lanŋinŋaŋe biwinenŋan pilâmu haŋ sâningiwuap.”

<sup>15-17</sup> Anitâhât biwiŋan nâŋgân nâŋgân âlâlâ tatmap ya Wâtgât mâmâŋahât Heakŋe mem biwiyenŋan katmu nâŋgâŋetgât Anitâ ulitgunomai. Yakât otmâ girawu manŋetâ Kutdâŋe yekmu ârândâŋ otbuap yakât nâŋgâm kiwilim biwiyenŋe galemahom mannomai. Yâhâ sâp yuâmâ lohimbi nombotŋaŋe Anitâhât topŋahât pâpŋum orotmeme bâleŋe topŋe topŋe otmâ mansai. Yâhâ yeŋeâmâ yâkŋe otmai yawu ki otnomai. Yeŋeâmâ orotmeme âlepŋe orotgât mâtâp teteyiŋgimu lohimbi buku otyiŋŋinjetâ yâkŋe manmanyenŋe ekŋetâ ârândâŋ otbuapgât naŋan.

<sup>18</sup> Otŋetâ bâlemapgât to kârikŋe ki nem biwi hâlim otnomai. Yawu otmâ Wâtgât mâmâŋahât Heakŋe biwiyenŋan tatmâ mâmâŋe otyiŋgiâkgât nâŋgâm mannomai. <sup>19</sup> Yawu manŋetâ biwiyenŋan tatmâ mâmâŋe otyiŋgiwuap yanâmâ biwiyenŋe heronŋe otmu Kutdâ kiki pali mewanŋim mepaem mannomai. <sup>20</sup> Otmu yeŋe Kutdânennŋe Kiristo orop biwiyenŋaŋe kepeiakmâ konohâk otmu manŋetâ wuân me wuân teteyiŋgiwuap yan Awoŋnennŋe

Anitâ heronje nângâwanjim mepaem mannomai.  
<sup>21</sup> Otmu Kiristo ewe katmâ yâkât tem lâuwanjim bukulipyenje orop ewe karakmâ buku oranjim mannomai.

*Imbilipyenje yengât sâop.*

<sup>22</sup> Imbilipyenje yengât yuwu sâmune nângânet. Kutdânenne Kiristonje yengât kunyenje tatmap. Yakât otmâ yenje ewe katmâ loklipyenje yengât amutgen mannomai. <sup>23-24</sup> Yakât yuwu sâmune nângânet. Kiristonje ikne lohimbi nen sâreerenekmâ kawenenñan kinmu kuñetâ muop. Otmu mumuñambâ yahatmâ kunnenne tatmu nenne yâkât amutgen manmain. Yakât dopñeâk imbilipyenjañe wuân me wuân otmai yan loklipyenje yengât amutgen manmai.

*Loklipyenje yengât sâop.*

<sup>25</sup> Yâhâ loklipyenje yengât yuwu sâmune nângânet. Kiristonje ikne lohimbi nen wawaenenekmâ tosanenñahât otmâ kawenenñan kinmu kuñetâ muop. Yakât dopñeâk imbilipyenje yengâlen biwiyenjañe kepeim tihityenje otnomai. <sup>26-27</sup> Yakât otmâ yuwu sâmune nângânet. Sâp patoen nen Kiristohât lohimbine yâkât senñan tosa barak kinmunne menenekmâ onomlipne sâm ikñan torokatnenekbuap. Yakât nângâm tosanenñahât otmâ kawenenñan kinmu kuñetâ muop. Otmu nenne manman bâlenjambâ keterakmâ yâkâlen biwinenjañe kepeimain yakât topñe sâm tetemunne yanâmâ toen mem katnenekbi. Toen mem katnenekñetâ Anitâñe tosanenñe pirim salatak tuhuningimu yâkât senñan koko salehâk manmain. Yawu.

28-30 Kiristone ikne lohimbi nen nângâningim tihitnenne otmap. Yakât dopneâk loklipyenaŋe imbilipyene nângâyîngim tihityene otnomai yakât yuwu sâmunne nângânet. Lok âlâ me âlâne hakyenjan umatne wuân me wuân tetemapgât hâkyenahât tihitne otmâ galemahom manmai. Yakât dopneâk loklipyenaŋe imbilipyene yengât nângâm tihityene otmâ galempongom mannomaihât nanjan. Yâhâ loklipyenaŋe imbilipyene yengât nângâyîngimai yamâ yenhât nanjanngimai yawu oap. <sup>31</sup> Den yan yuŋe emelâk Anitâne Mose den ekumu kulemguop ya miap. Den yamâ yuwu tap.

“Lok âlâ me âlâne âwâne mâmâne pilâyelekmâ imbiŋahâlen torokatmu orowâk mandomawot yan hâkyetne konohâk otbuap.” Den yawu tap.

<sup>32</sup> Otmu Mosenne den kulemguop yanne topne âlâlâ miop. Yakât nângâmune topne âlâ yuwu miap. Kiristone ikne lohimbi nen orop biwinenŋane kepeiakmâ konohâk otmu mansain ya. <sup>33</sup> Otmu âlâmâ yuwu miap. Loklipyenaŋe yenhât nanjanngimai yawuâk imbilipyene yengât nângâyînginomai. Otmu imbilipyenaŋe loklipyene ewe katyeknomai.

## 6

### *Nimnaomlipyene yengât sâop.*

<sup>1</sup> Otmu nimnaomlipyene yengât yuwu sâmunne nângânet. Yene âwâ mâmâlipyene yengât sâtyenjan tem lâuyîngim mannetâ Anitâne yekmu ârândân otbuap. <sup>2</sup> Yâhâ emelâk Anitâne girem den âlâ yuwu sâm Mose ekumu kulemguop.

“Yeŋe âwâ mâmâlipyeŋe yeŋgât nâŋgâyinŋim denyeŋe lâum manŋet.” Yawu sâm ekuop.

Otmu girem den nombotŋe âlâlâ Mose ekumu kulemguop yamâ inâk sâop. Yâhâ topŋe katmâ girem den yan yu torokatmâ den âlâ yuwu sâm kalop.

<sup>3</sup> “Denyeŋe lâum manŋetâ Anitâŋe nâŋgâyinŋimu yanâmâ sâp kâlewâk mannomai.” Yawu sâm ekuop.

*Âwâ mâmâlipyeŋe yeŋgât sâop.*

<sup>4</sup> Yâhâ âwâ mâmâlipyeŋe yeŋgât yuwu sâmune nâŋgâŋet. Nan baralipyenâŋe tepyeŋe bâlemu kuk otmaiât ki mem gin gondondoŋ katyeknomai. Yawu otmâ Kutdâhât den kâsikum yinŋim galemynongom heŋgeŋgunomai. Otmu mete pirik pirik otnomai yan lohotŋan kuwikyeknomai.

*Âi lok yeŋgât sâop.*

<sup>5</sup> Yâhâ âi lok yeŋgât yuwu sâmune nâŋgâŋet. Kiristoŋe yen orop manmu yâk hoŋ bawaŋgimbâi yakât dopŋeâk lok kunlipyenye ewe katyekmâ tâŋ tâŋâk hoŋ bayinŋinomai. <sup>6</sup> Yâhâ âi ya galemŋeŋe yekmu ârândânŋ olâkgâlâk nâŋgâm hâkyenâŋak ki tuhunomai. Âi ya tuhunomai yanâmâ Anitâhât den ya tâŋ tâŋâk watmâ Kiristohât tem lâuwâŋim tiŋâk tuhunomai. <sup>7</sup> Yawu otnomai yan lohâk hoŋ bayinŋiain sâm otnomai yamâ Kutdânenŋe hoŋ bawaŋginomai. <sup>8</sup> Yakât otmâ den yuwu sâmune nâŋgâm biwiyenân katnomai. Lok âlâ me âlâŋe lok kunlipyenye yeŋgât nep meyinŋimai me yeŋe âi tuhuakmai yakât sâp patoen Kutdânenŋe âi



memai ya ekmu ârândân otbuap otmuâmâ hâmeņe âlepņe yingimu menomai.

*Lok kunņe papato yengât sâop.*

<sup>9</sup> Yâhâ lok kunņe papato yengât yuwu sâmune nângâņet. Anitâ Kutdâyeņe himbimân tatmapņe lok âlâhât nângâmu yahatmu âlâhât nângâmu gemu yawu ki otmap. Sâp patoen yâkņe lok kerek nengât biwinenņe ekmâ âlâku ikņiâk ikņiâk dopnenņan matņe kâpekningiwuap. Yakât otmâ hoņ bawalipyeņe kunlipyeņe ewe katyekmâ lohotņan hoņ bayingņetâ benņe kunlipyeņe gurâ topņe âlâlâ ki mângâyeknomai.

<sup>10</sup> Aiop, yeņe Kiristo orop biwiyeņe kepeiakmâ konohâk otmu yâkât wâtņan kinmâ kârihem mannomai. <sup>11-12</sup> Nenņe Kiristohât den pat âlepņe lohimbi ekyongomunņe nângâmai hât lok bâleņe mâtâp maņguningim mansai. Otmu yâkņe konok bia. Satangât hoņ bawalipņe, weke bâleņe, emet amboņe, senduk banearâ, susun, âi weke, senņe âlâlâ sâtņe metņe topņe topņe, ya kerekņe mâtâp maņguningine sâm otmai. Yakât otmâ Satanne biwiyeņan kionmâ perâkņe topņe topņe kâityongomapgât Anitâņe wât yingimu kârihem kinnomai. <sup>13</sup> Yuwu otmâ kârihem kinņetâ Satanne hoņ bawalipņe orop mem ge katyekne sâm hâum pâpgum pilâyeknomai.

<sup>14</sup> Nângân nângân bulâņe âlâlâ biwiyeņambâ tetemu den bulâņe sâm lohimbi târârâhâk ekyongonomai. Yawu otmâ yâk orop biwiyeņe kepeiakmâ konohâk otmu tihit oraņgim mannomai. <sup>15</sup> Otmu Kiristohât den pat âlepņe lohimbi ekyongonņetâ nângâņetâ

biwiyenê huruŋ sâekgât mâtâp teteyiŋgiwuap yan hewewenâk ekyongonomai. <sup>16</sup> Otmu Satangât hoŋ bawalipŋaŋe yenġât manmanyenê mem bâleyiŋgimaihât Anitâ yet Kiristo yetġâlen biwiyenêŋe tiŋâk kepeim mannomai. <sup>17</sup> Yawu manmâ Anitânê manman kârikŋahât pat yakât bulânê yinġimu mem Kiristo orop heronê kakŋan manbisâihât nânġâm enġat yâhâp ki otnomai. Otmu Anitâhât den ya lohimbi kâsikum yinġinetâ nânġânomai yan Wâtġât mâmânġahât Heakŋe biwiyenê mem hewewenê tuhuwuap. Yawu otyinġimu den ya nânġânêŋetâ keterakiŋġim henġenġuwuap. <sup>18</sup> Otmu Wâtġât mâmânġahât Heakŋe mem hewewenê tuhuyekmu yu yakât nânġâm Anitâ ulitġunomai. Yawu otmâ biwi golâ manmâ Kiristohât lohimbi kerek yenġât nânġâm haonmâ ârândânġ Anitâ ulitġum mannomai.

<sup>19</sup> Otmu Wâtġât mâmânġahât Heakŋe den âlâlâ biwinan katmâ mâmânê otnihimu Kiristohât den pat âlepŋe pahâk ekyongomune nânġânomai. Otmu ekyongowom ya nânġânêŋetâ keterakiŋġiwuapġât yenê Anitâ ulitġunomai. <sup>20</sup> Otmu lohimbi kapi âlâen âlâen manmâ arai ya yenġâlen ari Kiristohât den pat âlepŋe kâsikum yinġiwan. Kâsikum yinġimune lok nombotŋaŋe nânġânêŋetâ gemu bet pilâm pâi emetŋan mem katnekŋetâ manmâ gan. Yawu ġârâmâ nânê den pat âlepŋe lohimbi ekyongowomġât Kiristonê menekmâ âi sâm nihiop. Yakât otmâ nânê tem lâuwangim den ya pahâk ekyongom ki lohotŋe otbomġât Anitâ ulitġunomai.

*Paulonê den bâiŋe sâm hâreop.*

21-22 Aiop, bukunenŋe âlâ, kutŋe Tikiko, yâkŋe Kutdâhâlen biwiŋaŋe tiŋâk kepeim hoŋ bawaŋgim mansap. Otmu nâŋe bukulpne orop manman gi-rawu mansain yakât yâk hângângumune yengâlen takawuap yan topŋambâek ekyongomu nâŋgâŋetâ biwiyenŋe huruŋ sâwuap.

23-24 Otmu yenŋe Kutdânenŋe Yesu Kiristohâlen biwiyenŋe tiŋâk kepeim tem lâuwaŋgim mansai. Yakât otmâ Anitâ yet Kiristone nâŋgâyinŋim tihityenŋe otmutâ biwi nâŋgân nâŋgânyenŋe kepeiakmâ konohâk otmâ huruŋ sâekgât ulitguman. Bâiŋ.

Nâ bukuyenŋe,  
Paulo

**Yeshuât Den Pat Âlepŋe**  
**The New Testament in the Selepet Language of Papua**  
**New Guinea**  
**Nupela Testamen long tokples Selepet long Niugini**

copyright © 1986 Wycliffe Bible Translators, Inc.

Language: Selepet

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

---

PDF generated using Haiola and XeLaTeX on 22 Feb 2024 from source files dated 31 Aug 2023

995083d2-705e-5a60-af47-1e36806cccbc